



Fylkesmannen i Sogn og Fjordane

Miljøvernavingdelinga

Sakshandsamar:

Inspeksjonsrapport

Saksnummer: 08/772

Informasjon om verksemda

Namn: Vedvik avfallsplass	Dato for inspeksjonen: 22.10.08
Adresse: Vågsøy kommune, p.b. 294, 6701 Måløy	Telefon:
Besøksadresse:	Organisasjonsnr.: 942 952 880
Kommune/kommunenr.: Vågsøy	Bransjenr. (NACE-kode): 90.000 Kloakk- og renovasjonsvirksomhet

Tilstades under kontrollen

Frå verksemda: Arvid Oksholen, Einar Hessevik	Frå Fylkesmannen: Gøsta Hagenlund
--	--------------------------------------

Hovudtema for kontrollen:

Gjennomgang av hovudkrav i nytt utsløppsløyve for avfallsplassen

Resultat frå kontrollen:

Rapporten omtalar eventuelle avvik som vart konstatert, og merknader som vart gjevne under kontrollen. Definisjon av avvik og merknader er gjevne på side 2.

Fylkesmannen avdekkar 5 avvik under kontrollen.

Oppfølging etter kontrollen:

Fylkesmannen pålegg verksemda å gje ei skriftleg tilbakemelding som gjer greie for dei tiltaka som er gjennomførte og eventuell tidsplan for ytterlegare tiltak for å rette opp avvik.

Pålegget om skriftleg tilbakemelding er gjevne med heimel i forureiningslova § 49. Vedtaket kan påklagast innan 3 dagar etter at pålegget er motteke, jf. forvaltningslova § 14. Ei eventuell klage bør grunngjevast og skal sendast Fylkesmannen.

Nærare omtale av tidsfristar for oppfølging, varsel om tvangsmulkt og vedtak om gebyr føl av oversendingsbrevet til denne kontrollrapporten.

Stad: Leikanger

Dato:
11.11.2008

Fylkesmannen i Sogn og Fjordane

Omfang av kontrollen

Kontrollen var førehandsvarsla som lekk i oppfølging av nytt utsleppsløyve. Kontrollen omfatta berre viktige krav i vilkåra som har mykje å seie for miljøet, som er nytt i høve til tidlegare eller der vilkåra set fristar for tiltak o.l. som er nær i tid. Kontrollen omfatta ikkje verifikasjon på plassen, eller gransking av andre dokument som må utarbeidast som følgje av løyvet eller nyare krav i miljøvernlovverket. M.a. var endring av internkontrolldokument eller nye rutinar/prosedyrar ikkje del av kontrollen denne gongen.

Definisjon på avvik og merknader

Avvik: Brot på krav fastsett i eller i medhald av helse-, miljø- og sikkerhetslovgjevinga, t.d. brot på krav i ureiningslova, produktkontrollova, forskrifter med heimel i desse to lovene, eller krav og vilkår fastsett i utsleppsløyve eller dispensasjonar.

Merknader: eit tilhøve som tilsynsetatane finn naudsynt å påpeike på for å ivareta helse, miljø og sikkerheit og som ikkje er omfatta av definisjonen for avvik.

Informasjon om vedtak om tvangsmulkt

Dersom Fylkesmannen ikkje har motteke den skriftlege tilbakemeldinga innan fristen, kan Fylkesmannen fatte vedtak om tvangsmulkt. Vedtak om tvangsmulkt blir gjeve med heimel i forureiningslova § 73 og/eller produktkontrollova § 13. Ei eventuell tvangsmulkt kan fastsetjast som eit eingongsgebyr eller eit løpande dagsgebyr som gjeld så lenge tilbakemeldinga ikkje er motteke.

Resultat av kontrollen:

Avvik 1. Framlegg til reinseløysing er ikkje utarbeidd

Brot på vilkår 3.6 om sigevasshandtering

Kommentar. Ansvarleg skal innan 1.9.08 ha sendt til Fylkesmannen framlegg til reinseløysing.

Avvik 2. Vurdering av gasspotensialet er ikkje utarbeidd

Brot på vilkår 3.7 om deponigass

Kommentar. Ansvarleg skal innan 1.9.08 ha sendt inn til Fylkesmannen ei vurdering av gasspotensialet ved deponiet, og ei vurdering av om det er praktisk mogleg å samle opp og behandle deponigassen.

Avvik 3. Dokumentasjon på overvåkingsprogram for sigevatn og grunnvatn og dokumentasjon på gjennomført overvaking kunne ikkje leggest fram

Brot på vilkår 4.2 om overvaking

Kommentar. Ansvarleg skal snarast råd etter løyveutskrivninga ha utvida prøvetakinga i samsvar med program utarbeidd i samsvar med vilkår 4.2 og SFT veileder TA 2077/2005. Representantane for verksemda meinte at prøvetaking var gjennomført og ville ettersende dette. Per 11.11.08 kan ikkje Fylkesmannen sjå å ha motteke dokumentasjonen.

Avvik 4. Regelbunden kontroll av gassproduksjon og gasslekkasje er ikkje gjennomført

Brot på vilkår 4.3 om overvaking av deponigass

Kommentar. Tiltaket i kravet er førebels ikkje starta opp. Miljøkontrollprogrammet der dette skal vere omtalt er ikkje utarbeidd.

Avvik 5. Oppdatert miljørisikoanalyse og innføring av risikoreduserande tiltak er ikkje gjennomført

Brot på vilkår 8.1 om etablering av beredskap

Kommentar. Deponi har eit sett av faremoment for akutt ureining, m.a. brann, gasseksplasjon, brot på leidningar, vassureining, m.m. På bakgrunn av risiko må det utarbeidast beredskap mot akutt ureining.

Det vart opplyst at det frå tidlegare er utarbeidd prosedyrar for vurdering av branntryggleik og sløkking av brann. Fylkesmannen vil merke at utarbeiding av miljørisikoanalyse og beredskap i samband med denne omfattar også andre fareområde.